

tenei. He aha i rite ai o tatou takanga i etahi wa ki te takanga hoki o te pononga nei? Te take e puta atu ana tatou i te aroaro o te tatou Ariki. Kaore tatou i te noho tonu i tona aroaro. Kei te puta atu tatou ki waho, kei te wareware ki te nui rawa o nga hara i murua nei e te Atua, "kua wareware ki te horoinga o nga hara o mua." (2 Pita 1, 9.)

"Kotahi rau ana pene." Ko tana nama he nama iti noa iho ki tona hoa. Ko ta tetahi ra 10,000 taranata ki tona ariki. He whakamarama mai tenei i te iti noa iho o te hara o te tangata ki a ratou tangata ano, ina whakaritea ki nga hara o te tangata ki te Atua. Ko o tatou hara ki a tatou ano te 100 pene ara te £3; ko o tatou hara ki te Atua e rite ana ki te 10,000 taranata ara £3,000,000.

"Hopukia ana e ia, a notia iho te kahi, me te ki ano utua taku nama." Kore rawa he aroha o tenei tangata. Mehemea ka whakaaro tatou kia penei te pakeke o ta tatou whakahaere i nga tikanga mo te tangata, kei riri tatou ina pakeke hoki nga tikanga o te Atua kia tatou. Kia aroha, kia aroha. Ko te ture tena a te Karaiti ko te ture tena o tatou tupuna.

Rarangi 29. "Heoi tapapa ana tona pononga ki ona waewae, ka inoi ki a ia." Ko tana inoi tenei i te r. 26. Engari ia i tohungia e tona Ariki. Ko tenei pononga i tohungia nei kore rawa i tohu i tona hoa pononga.

(Taria e whakaoti.)

AWHERIKA. (AFRICA.)

Te nui o tenei whenua 12,000,000 macro (square.)

Nga tangata, 170,000,000.

I roto i nga ra katoa e tae ana ki te 9,000 e matenata ana. Nga reo katoa o nga iwi o Awherika 438.

Ko nga Karaipiture kua whakamaoritia ki roto ki nga reo e 70 o Awherika.

Ko tetahi o nga ture o taua whenua e penei ana, me puta katoa nga tamarikie whanau mahangu ana.

Etahi o aua iwi o ki ana, he mea pai te pakanga ki a ratou, te take kei nga pakanga ka nui te kai. Ara ko nga tangata e patupatua ana e waiho ana hei kai ma ratou.

Tetahi ture a ratou e penei ana, ko nga kua, ko nga koroheke kua kore nei i kaha ki te mahi me tuku ki roto ki te motu, ki te

ururua rakau haere ai, kia matemate atu ai ki reira.

E rua miriona nga karani (gallons) wai-piro kei te tukuna ki Rakoha (Lagos, ko te takiwa tenei ki te Weeta o Awherika) i roto i nga tau kua pahure ake nei.

Kuakite nga rangatira o nga Mangumangu i te kino o taua kai; kua tukuna he petihana ma ratou, kia kaua te wai-piro e tukuna mai a muri ake nei ki roto ki o ratou takawa. Tekau ma rua mano nga ingoa kua tubitubhia ki taua petihana.

I te tau 1886 e rua rau nga mangumangu o te takiwa ki uta o Awherika ara ki UKana (Uganda) i patupatua, i kohurutia mo ta ratou whakarerenga i nga karakia whakapakoko, me te tahirutanga ki te awbina i to tatou whakapono. Kore rawa anei tangata e rua rau i whakaae ki te whakarere i to ratou whakapono ki to tatou Kai-whakaora, no reira whakaae tonu ratou ki te mate.

Kua tu te Komiti whakahaere tikanga mo te whakapono ki Rakoha. He Mangumangu katoa nga mema o taua Komiti, no te Hahi o Ingarangi. Ko ta ratou mahi he tonotono i o ratou tangata matau kia haere ki te kauwhau ki nga takiwa o ratou whenua. Ko etahi o ratou kua whakapangia. E rua nga Pihopa Mangumangu kei Awherika e kauwhau ana. Ko taua komiti kei te kimi mai i te oranga mo o ratou minita. Ko ratou ano hoki kei te whakahaere i nga tikanga katoa e toro haere ai te Rongo Pai ki o ratou iwi kohuru, ki o ratou iwi kai tangata.

Kua tu tetahi Whare-Karakia hou mo nga Mangumangu ki tetahi kainga ano o ratou ko Poni (Bonny) te ingoa, kei te taha ki te Weeta o Awherika. Ko te utu mo taua whare e £2,000.

Ko enei Moni katoa na nga Mangumangu ano i kohikohi.

Ko te turanga o taua whare, kei te turanga o te Ahurewa mo nga Atua Maori, mo nga whakapakoko. I mua ko tetahi o nga pakitara o taua ahurewa he mea whakapiri ki nga Angaanga o nga tangata i patupatua ai e ratou.

No muri mai nei ratou i rongorongo ai i te Rongo Pai; no mua atu i a ratou ka tae mai te whakapono ki a tatou ki te iwi Maori. Katahi te mea whakama e hoa ma, ko te waihotanga o mua ki muri, i o muri ki mua. E kiia ana kei mua noa atu ratou e haere ana i te Maori. Kua tu o ratou Kareti nunui, o ratou Kura me o ratou Whare-Karakia. Kua tu hoki etahi o ratou hei Pihopa, etahi hei Piriti me etahi hei